

## **“Ce snait cun Maman!”: a Friuli Doc un event par furlan dedicât ai plui piçui**

Domenie ai 10 di Setembar, aes 14.30, li dal spazi di PromoTurismoFVG in Zardin Grant,  
il laboratori ludic didatic curât de ARLeF

Al è dut pront par “Ce snait cun Maman!” il laboratori ludic didatic dedicât ai plui piçui e  
curât de ARLeF - Agenzie regionâl pe lenghe furlane inte suaze de edizion numar 29 di  
Friuli Doc.

A presentâ l'apontament e sarâ Daria Miani, la condutore de trasmission TV par fruts  
“Maman!”. La lenghe furlane e sarâ la protagoniste di un zûc speciâl dulà che i piçui a  
impararan a cognossi il mangjâ in maniere divertente. Ducj chei che a parteciparan al  
laboratori a varan ae fin ancje un regalut simpatic tant che ricuart dal dopomisdì passât in  
citât divertintsi cul furlan.

L'apontament si tignarâ domenie ai 10 di Setembar, aes 14.30, li dal spazi di  
PromoTurismoFVG in Zardin Grant. Si consee di prenotâsi, mandant une mail a  
[info@sportelfurlan.eu](mailto:info@sportelfurlan.eu)

La partecipazion de ARLeF a Friuli Doc e je un apontament consolidât di agns in grazie de  
colaborazion cul Comun di Udin e cun PromoTurismoFVG che e da acet ae Agenzie tai  
siei spazis. Si trate di une ocasion impuartante par valorizâ la lenghe furlane dentri de  
manifestazion enogastronomiche plui impuartante dal teritori.

Udin, ai 7 di Setembar dal 2023

### **INFORMAZIONS PE STAMPE - INFORMAZIONI PER LA STAMPA**

**Ufficio Stampa ARLeF** CALT relazioni pubbliche / **e-mail: [arlef@caltpr.it](mailto:arlef@caltpr.it)**

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<